

六典通考



六集同本



六典通考卷八十八

湖西閻鎮珩輯

市政考

市政

互市

白金幣作于上世而有無之路漸通神農氏因之列廛于國日中爲市以致天下之民聚天下之貨交易而退各得其所易所謂取諸噬嗑者是也物以利合久而必爭故設有司者治之平其曲直禁其詐僞而已其後乃有征商之名孟子稱征商自賤丈夫始而趙岐以爲事在周公以前意者其當夏商之季世乎方紂暴斂以困生人文王於時獨施仁政開市譏而不征澤梁無禁六

州之民聞風嚮赴三分天下略有其二故曰市廛而不
征法而不廛則天下之商皆悅而願藏於其市文王之
事非其明驗乎禮王者建國左朝而右市故王后立市
內宰佐之祭之以陰禮次叙陳肆莫不有法至於山林
川澤百物之所從出長育以時採取有節其見于太宰
九職者虞衡作山澤之材商賈阜通貨賄而九兩繫萬
民終之曰藪以富得民蓋周公變古立制將以勸本抑
末而經國制用之道亦於是存焉周政中衰管仲首興
鹽鐵以牢大利齊致富強桓公遂霸秦漢而降利孔百
出言利之臣窮析秋毫算舟車權酒酤以至食用醬醢
之細水土草木之華無不以官權其盈虛而收其脂膏

之潤童山澗澤靡有已時生民坐殫國隨以踣今採歷
代征商之制別爲四類曰市征曰雜征曰澤征曰山征
統題曰市政考凡八卷

內宰凡建國佐后立市設其次置其叙正其肆陳其貨賄出

其度量漙制祭之以陰禮

市朝者君所以建國也建國者必

相承之義次思次也叙介次也陳猶處也度丈尺也量豆區
之屬佐后立市者始立市后立之也祭之以陰禮者市中之
社先后所立也純謂輻廣也制謂匹長天子巡

司市掌

市之治教政刑

量度禁令

量豆區斗斛之屬度丈尺也

以次叙分地而經

市

次謂吏所治也思次介次也若

以陳肆辨物而平市陳猶

辨物異肆也

以政令禁物靡而均市

物靡者易售而無用禁之則市均靡謂侈

也

以商賈阜貨而行布

通物曰商居賣物曰賈阜猶盛也布謂泉也

以量度成賈

而徵價

徵召也。價買也。物有定價則買者來也。

以質劑結信而止訟

質劑謂兩書一札而

別之也。

以賈民禁偽而除詐

賈民胥師賈師之屬必以賈民為之者知物之情偽與實詳

以刑罰禁虺而去盜

刑罰憲徇扑

以泉府同貨而歛賕

則為歛而

賈之民無貨則賒賈而予之

大市曰廛而市百族為王朝市朝時而市商

賈為主夕市夕時而市販夫販婦為主

日廛市中也。市雜聚之處言主者謂其多

者也。百族必容來去商賈家於市城販夫販婦朝資夕賣因其便而分為三時之市所以了物極眾

凡市入則

胥執鞭度守門市之羣吏平肆展成奠賈上旌于思次以令

市市師涖焉而聽大治大訟胥師賈師涖于介次而聽小治

小訟

凡市入謂三時之市市者入也。胥守門察偽詐也。必執鞭度以威正人眾也。度謂父也因刻丈尺耳。羣吏胥師

以下也。平肆平賣物者之行列使之正也。展之言整也。成平

也會平成市物者也。奠讀為定。整飭會者使定物價防詐豫

也。土旌者以為眾望也。見旌則知當市也。思次若今市亭也。市師司市也。介次市亭之屬別小者也。思當為司聲之誤也。

凡萬民之期於市者辟布者量度者刑戮者各于其地之

期謂欲賣買期決於市也量度者若今處斗斛及丈尺也辟布市之羣吏考實諸泉入及有遺忘凡得貨

六畜者亦如之三日而舉之得遺物者亦使置其地貨於易之肆馬於馬之肆則主求之易

也三日而無識認者舉之沒入官凡治市之貨賄六畜珍異亡者使有利者

使阜害者使亡靡者使微謂物行苦者使有使阜起其賈以

微之也使亡使微抑其賈以卻之也凡市偽飾之禁在民者

十有二在商者十有二在賈者十有二在工者十有二俱十

有二者工不得作賈不得粥商不得資市刑小刑憲罰中刑

徇罰大刑扑罰其附於刑者歸於士徇舉以示其地之眾也

國君過市則刑人赦夫人過市罰一幕世子過市罰一帑命

夫過市罰一蓋命婦過市罰一帷謂諸侯及夫人世子過其都

六典通考卷八十八

之市也市者人之所交利而行刑之處君子無故不遊觀焉
若遊觀則施惠以爲說也國君則赦其刑人夫人世子命夫
命婦則使之出罰異尊卑也所罰謂憲徇扑也必
罰幕幣蓋帷市者眾也此四物者任眾之用也

役市司帥賈師而從治其市政掌其賣債之事市司司市也賈買也會同

師役必有市者大眾質人掌成市之貨賄人民牛馬兵器

珍異成平也會者平物價而來主成其凡賣債者質劑焉大

市以質小市以劑大市人民馬牛之屬用長券小市兵器珍異之物用短券掌稽市之書

契同其度量壹其淳制巡而考之犯禁者舉而罰之書契取予市物

之券也其券之象凡治質劑者國中一句郊二句野三句都

書兩札刻其側詳見官成篇三月邦國期期內聽期外不聽胥師各掌其次之

政令而平其貨賄憲刑禁焉憲表察其詐僞飾行債慝者而

誅罰之飾行債慝謂使人行賣惡物於市巧飾之令欺誑買者聽其小治小訟而斷之

賈師各掌其次之貨賄之治辨其物而均平之展其成而

奠其賈然後令市凡天患禁貴儻者使有恆賈

恆常也謂若諸米穀棺木

而賄久雨疫病者買賣之

四時之珍異亦如之

薦宗廟之物

凡國

之賣儻各帥其屬而嗣掌其月

儻買也謂官有所斥令賣賈師帥其屬而更相代直月爲

官賣之凡師役會同亦如之

司虺掌憲市之禁令禁其鬪

鬪者與其虺亂者出入相陵犯者以屬遊飲食於市者若不

可禁則搏而戮之

鬪謹也屬遊飲食羣飲食者

司稽掌巡市而察其犯

禁者與其不物者而搏之

不物衣服視占不與眾同及其操物不如品式

掌執市之

盜賊以徇且刑之

胥各掌其所治之政執鞭度而巡其前

掌其坐作出入之禁令襲其不正者

作起也坐起禁令當市而不得空守之屬襲謂

掩捕其不正者

凡有罪者撻戮而罰之

罰之使出布

肆長各掌其肆之

政令陳其貨賄名相近者相遠也實相近者相爾也而平正

之爾亦近也俱是物也使惡者遠善善自相近鄭司農云謂若珠玉之屬俱名爲珠俱名爲玉而賈或百萬或數萬恐

農夫愚民見欺故別異令相歛其總布掌其戒禁 泉府掌

以市之征布歛市之不售貨之滯于民用者以其賈買之物

楊而書之以待不時而買者買者各從其抵都鄙從其主國

人郊人從其有司然後予之鄭司農云物楊而書之物物爲櫛書書其賈楊著其物也不時

買者不急求者也抵故賈也主者別治大夫也然後予之爲封符信然後予之元謂抵實抵字抵本也本謂所屬吏主有

司是也遣人凡國野之道五十里有市市有候館候館有積

王制有圭璧金璋不粥於市命服命車不粥於市宗廟之

器不粥於市犧牲不粥於市戎器不粥於市尊物非民所宜有戎器軍器也

也粥音用器不中度不粥於市兵車不中度不粥於市布帛精

麤不中數幅廣狹不中量不粥於市姦色亂正色不粥於市

凡以其不可用也用器弓矢耒耜飲食器也度丈尺也數升縷多少錦文珠玉成器不粥於市

衣服飲食不粥於市不示民以奢與貪也成猶善也五穀不時果實未孰不

粥於市物未成木不中伐不粥於市伐之非時不中用周禮仲冬斬陽木仲夏斬陰

木禽獸魚鼈不中殺不粥於市殺之非時不中用月令季冬始漁周禮春獻鼈蜃

管子百乘之國中而立市東西南北五十里千乘之國中而

立市東西南北五十餘里家語衛莊公改舊制易朝市高

子宰問於孔子曰周禮前朝而後市今衛君更之如何孔子

曰朝市於西方失之矣司馬遷曰夫山西饒林竹穀纁旄

玉石穀纁紆屬可以爲布旄屬之屬山東多魚鹽漆絲聲色江南多枏梓薑

桂金錫連鈇之未鍊者丹砂犀象瑇瑁珠璣齒革龍門碣石北多

馬牛羊旃裘筋角銅鐵則千里往往山出棊置此其大較也
皆中國人民所喜好謠俗被服飲食奉生送死之具也故待
農而食之虞而出之工而成之商而通之此甯有政教發徵
期會哉人各任其能竭其力以得所欲故物賤之微貴貴之
微賤各勸其業樂其事若水之趨下日夜無休時不召而自
來不求而人出之豈非道之所符而自然之驗邪周書曰農
不出則乏其食工不出則乏其事商不出則三寶絕虞不出
則財匱少而山澤不辟矣此四者人所衣食之原也原大則
饒原小則鮮上則富國下則富家貧富之道莫之奪予巧者
有餘拙者不足也

秦文繆居雍陰

地居隴蜀之關要故曰陰陰爲要路之間

隴蜀之貨物而多賈獻

孝徒櫟邑

左馮翊

北鄰戎翟東通三晉武昭理咸陽因以漢都

長安諸陵四方輻輳並至而會地小人眾故其人益玩巧而

事末南則巴蜀巴蜀亦沃野地饒屬薑丹砂石銅鐵

印都出銅臨印

出竹木之器南御滇焚焚僮西近印笮笮馬旄牛然四塞棧

道千里無所不通唯褒斜綰轂其口

在漢中

以所多易所鮮天

水隴西北地上郡與關中同俗然西有羌中之利北有戎狄

之畜畜牧爲天下饒然地亦窮險唯京師要其道故關中地

於天下三分之一而人眾不過什三然量其富什居其六

漢京兆尹屬官有長安四市長丞

惠帝六年起長安西市黃圖云長安九市六市在道

西三市在道東

大司農屬官有平準令丞平準者主平物價使相依

準武帝時桑宏羊領大農令以諸官各自市相事以故物多

騰躍乃請置大農部丞數十人分部主郡國置平準於京師受天下委輸盡籠天下之貨物貴則賣之賤則買之如此則

富商大賈無所牟大利矣帝從其言為置平準及宣帝時趙

廣漢舉茂才為平準令王莽篡位國師公劉歆言周有泉府

之官收不售與欲得言賣不售者官為收取之易所謂理財

正辭禁人為非者也莽乃下詔曰夫周禮有賒貸周禮泉府之職曰凡

賒者祭祀無過旬日喪紀無過三月民之樂語五均樂語樂元語河

間獻王所傳道五均事按其文天子取諸侯之二以立五均

則市無二價四時常均強者不得困弱富者不得要貧則公

家有餘息恩傳記各有幹焉今開賒貸張五均設諸幹者所

及小人也以齊眾庶抑兼并也遂於長安及五都立五均官更名長安東西市令及雒陽邯鄲臨淄宛成都邯鄲故趙郡臨淄故齊郡宛南陽縣兼雒陽成

都所謂五都也市長皆爲五均司市東市稱京西市稱畿雒陽稱中

餘四都各用東西南北爲稱皆置交易丞五人錢府丞一人

工商能采金銀銅錫登龜取貝者登進也龜有靈故言登也皆自占司市

錢府順時氣而取之各以其所采取之物自隱實於司市錢府也諸司市常以四

仲月實定所掌爲物上中下之價各自用爲其市平無拘他

所眾人買賣五穀布帛絲綿衣物周於人用而不售者均官

有以考檢厥實用其本價取之無令折錢萬物叩貴過平一

錢叩物價起也則以平價賣與人其價低賤減平者聽人自相與

市以防貴庾者庾積也以防人積物待貴也人欲祭祀喪紀而無用者錢

府以所入工商之貢但賒之但空也空賒與之不取利息祭祀無過旬喪

紀無過三月人或乏絕欲貸以理產業者均授之除其費計

六典通考卷八十八

所得受息無過歲什一

均謂各依先後之次也除其費謂衣食之費已用者

義和置命

士督五均六幹郡有數人皆用富賈雒陽薛子仲張長督臨

淄姓偉等

姓姓名偉也

乘傳求利交錯天下因與郡縣通姦多張

空簿

簿計簿也

府藏不實百姓愈病莽知人苦之復下詔曰夫鹽

食穀之將

爲食穀之將帥

酒百藥之長嘉會之好鐵田農之本名山

大澤饒衍之藏五均賒貸百姓所取平仰以給贍錢布銅冶

通行有無備人用也此六者非編戶齊人所能家作必仰於

市雖貴數倍不得不買豪人富賈卽要貧弱先聖知其然也

故幹之每一幹爲設科條防禁犯者罪至死姦吏猾人並侵

眾庶各不安生

後漢雒陽市長屬河南尹長安鑄錢多姦巧京兆尹閭瓊召

第五倫爲督鑄錢掾領長安市倫平銓衡正斗斛市無阿枉

百姓悅服

宋登爲潁川太守市無二價道不拾遺

齊後主于芳樂苑中立市大官每旦進酒肉雜肴使宮人屠酤貴人潘氏爲市令帝爲市魁執罰爭者就潘氏判決

隋司農寺統京市令丞煬帝三年改京市隸太府寺京師東市曰都會西市曰利人東都東市曰豐都南市曰大同北市

曰通遠

唐京都諸市令掌百族交易之事丞爲之貳凡建標立候陳

肆辨物

按周禮肆長各掌其肆之政令陳其貨賄名相近者相遠也實相近者相邇也而平正之以二物

平市

謂秤以格斗以概

以三賈均市

精爲上賈次爲中賈粗爲下賈

凡與官交易及

懸平贓物並用中賈其造弓矢長刀官爲立樣仍題工人姓